



«ТАСДИҚЛАЙМАН»

«FK BUNYODKOR» МЧЖ

директори

У.А.Мирзаев

« 08 » август 2022й.

Ўзбекистон Республикасининг 2021 йил 22 апрелдаги № 684-сонли “ Давлат харидлари тўғрисида”ги қонуни ҳамда Ўзбекистон Республикаси Президентининг 2017 йил 23 августдаги № 3237-сонли “Товарлар (ишлар, хизматлар)нинг давлат ва корпоратив харидларини амалга оширишнинг замонавий шакл ва услубларини янада жорий этиш чора-тадбирлари тўғрисида”ги қароридан белгиланган талабларни бажарилишини таъминлаш мақсадида, «FK BUNYODKOR» МЧЖ томонидан, хўжалик фаолиятини амалга ошириш мақсадида харид қилинадиган Товарлар (ишлар, хизматлар)нинг давлат ва корпоратив харидларини амалга ошириш буйича

ТАНЛОВ ҲУЖЖАТИ

1. Умумий қоидалар

1.1. Мазкур ҳужжат «FK BUNYODKOR» МЧЖ томонидан, хўжалик фаолиятини амалга ошириш мақсадида харид қилинадиган Товарлар (ишлар, хизматлар)нинг давлат ва корпоратив харидларини амалга ошириш буйича **харид қилиш бўйича Энг яхши таклифларни танлашни ўтказиш** (кейинги ўринларда танлов деб юритилади), жумладан танлаш таклифларини бериш, уни расмийлаштириш, кўриб чиқиш ва баҳолаш, танлов натижалари бўйича шартнома тузиш тартибини белгилайди.

1.2. «FK BUNYODKOR» МЧЖ **харид қилиш бўйича Энг яхши таклифларни танлашни ўтказиш** Ўзбекистон Республикасининг “Давлат харидлари тўғрисида”ги Қонуни талаблари асосида ўтказилади.

2. Танлаш иштирокчиларининг таклифларини бериш тартиби

2.1. Танлов талабгори битта лотга фақат битта таклиф беришга ҳақли.

2.2. Танлов талабгори тақдим этилаётган маълумот ва ҳужжатларнинг ҳақиқийлиги ва тўғрилиги учун жавобгар бўлади.

2.3. Танлов талабгори тақдим этилган таклифларни бериш муддати тугагунига қадар берилган таклифни чақириб олишга ёки унга ўзгартиришлар киритишга ҳақли.

2.4. Танловга таклифларни қабул қилиш элонда кўрсатилган вақтда тугатилади.

3. Иштирокчиларга қўйиладиган талаблар

3.1. Шартномани бажариш учун зарур техник, молиявий, моддий, кадрлар ресурсларининг ҳамда бошқа ресурсларнинг мавжудлиги.

3.2. Шартнома тузиш учун қонуний ҳуқуққа эгалик.

3.3. Солиқлар ва йиғимларни тўлаш бўйича муддати ўтган қарздорликнинг мавжуд эмаслиги.

3.4. Ўзига нисбатан жорий этилган банкротлик тартиб-таомилларининг мавжуд эмаслиги.

3.5. Инсофсиз ижрочиларнинг ягона реестрида қайд этилмаганлиги.

3.6. Танлаш иштирокчилари томонидан коррупция кўринишларига йўл қўймаслик бўйича ариза тақдим этиш.

4. Харид қилиш ҳужжатлари ва харид қилиш тартиб-таомиллари юзасидан тушунтиришлар

4.1. Иштирокчилар харид қилиш ҳужжатлари ва танлаш юзасидан тушунтиришлар олиш учун мурожаат қилиши ҳақли ва тушунтириш бериш тўғрисида сўров келиб тушган санадан эътиборан икки иш куни ичида, лекин таклифлар бериш муддати тугайдиган санадан камида икки кун олдин келиб тушган бўлса, ушбу сўровга сўров шакли билан бир хил шаклда жавоб тақдим этилади. Тушунтиришлар олиш учун мурожаат қилиш тугайдиган сана таклифлар бериш муддати тугайдиган санадан икки кун олдинги кун ҳисобланади.

5. Иштирокчини танлашда иштирок этишдан четлатиш шартлари.

5.1. Харид комиссияси ёки давлат харидлари электрон тизимининг оператори иштирокчини танлашда иштирок этишдан четлатади, агар:

У тўғрисида Инсофсиз ижрочиларнинг ягона реестрида қайд мавжуд бўлса унда солиқлар ва йиғимларни тўлаш бўйича муддати ўтган қарздорлик мавжуд бўлса;

ўзига нисбатан банкротлик тартиб-таомиллари жорий этилган бўлса; иштирокчи харид қилиш ҳужжатларининг малака, техник ва тижорат талабларига жавоб бермаса;

иштирокчи давлат харидлари жараёнида давлат буюртмачиси томонидан бирор-бир хатти-ҳаракатнинг содир этилишига, қарор қабул қилинишига ёки бирор-бир харид қилиш тартиб-таомилининг қўлланилишига таъсир ўтказиш мақсадида давлат буюртмачисининг ёки бошқа давлат органининг исталган ҳозирги ёки собиқ мансабдор шахсига ёки ходимига ҳар қандай шаклдаги ҳақни, ишга ёллаш тўғрисидаги таклифни ёхуд исталган бошқа қимматбаҳо ашёни ёки хизматни бевосита ёхуд билвосита таклиф қилса, берса ёки беришга розилик билдирса;

иштирокчи рақобатга қарши ҳаракатларни содир этса ёки қонунчиликни бузган ҳолда манфаатлар тўқнашувини келтириб чиқарса, шунингдек аффилиланганлик ҳоллари аниқланса.

6.Баҳолаш мезонларига ва тартиб-таомилларига тааллуқли қоидалар

Иштирокчиларнинг товарлар (ишлар, хизматлар) бўйича давлат харидларига тааллуқли бўлган таклифларини баҳолаш мезонларида:

нарх;

етказиб бериш базиси;

етказиб бериш муддатлари;

тавсифномалар ва сифат кўрсаткичлари;

эксплуатация қилиш (фойдаланиш) муддати;

тўлов ва кафолатлар шартлари;

муайян даврдаги эксплуатация қилишга, шу жумладан фойдаланиш ва таъмирлашга доир харажатлар;

7.Давлат харидлари қийматини баҳолашга тааллуқли қоидалар

Давлат харидлари қийматининг бозор нархларига мувофиқлигини баҳолаш учун давлат буюртмачиси очик ахборот манбаларидаги ахборотлардан ёки бошқа ишончли манбалардан фойдаланади.

8. Танлашни ўтказишда харид комиссияси

Давлат харидини танлаш орқали амалга ошириш учун давлат буюртмачисининг ходимлари орасидан камида беш нафар аъзодан иборат таркибда харид комиссияси тузилади.

Танлашни ўтказишда харид комиссияси аъзоларининг камида учдан икки қисми ҳозир бўлиши лозим, ҳар бир мажлис ва қабул қилинган қарор баённомалар билан расмийлаштирилиши керак.

9. Танлашни ўтказиш

Агар танлашда иштирок этиш учун таклифларни тақдим этиш муддати тугаган пайтда фақат битта таклиф тақдим этилган ёки бирорта ҳам таклиф тақдим этилмаган бўлса, танлаш ўтказилмаган деб ҳисобланади. Бунда давлат буюртмачиси ушбу Қонун талабларига мувофиқ янги танлаш ўтказиши ёхуд электрон дўкон ёки аукцион орқали харидни амалга ошириши мумкин.

12. Жамиятнинг тегишли бўлинмалари масъуллари.

-Жамият эҳтиёжлари учун харид қилинадиган товар (ишлар ва хизматлар) учун буюртмалар, жамиятнинг бўлинмалари масъуллари томонидан танлов ўтказишдан 15 кун олдин (махсулот (ишлар хизматлар) номи, сони, тавсифномалар ва сифат кўрсаткичларини тўлиқ кўрсатган ҳолда жамият раҳбарияти ҳамда комиссияга киритиш.

- Танлов комиссиясининг баённомасига асосан, жамият раҳбари томонидан белгиланган масъуллар томонидан шартномалар тузиш, шартномаларда кўрсатилган товар (ишлар ва хизматларни) қабул қилиш. Бунда шартномалар жамиятнинг юридик хизмати томонидан қонун талаблари асосида тузилганлигини тасдиқлаш.

- Жамиятнинг молия бўлими томонидан товар (ишлар ва хизматлар) етказиб бериш учун тузилган шартномаларни ҳисобини юритиш, шартномалар бўйича етказиб берувчига ишончномалар (масъуллар номига) бериш ҳамда етказиб берилган товар (ишлар ва хизматларни) тўлиқ қабул қилингандан ва ҳужжатлар белгиланган тартибда расмийлаштирилгандан сўнг тўловларни амалга ошириш.